

КАНОН ПРЕПОДОБНОМУ МАКСИМУ ГРЕКУ

Память празднуем 21 января (3 февраля)

Тропарь, глас 8-й

Зарёю Духа облистáем, витíйствующи́х богомúдренно сподóбился еси́ разумéния, невéдением омрачénная сердца́ челове́ков свéтом благоче́стия просвещáя, пресвётел яви́лся еси́ Правослáвия свети́льник, Макси́ме преподóбне, отонúдуже рéвности ра́ди Всеви́дящаго отéчества чужд и страна́ен, Росси́йския страны́ был еси́ пресéльник, страда́ния темни́ц и заточе́ния от самодержáвнаго претерпéв, десни́цею Вы́шняго венча́ешься и чудодéйствуеши преслáвная. И о нас ходáтай бу́ди непрело́жен, чту́щих любóвию святу́ю па́мять твою́.

КАНОН, глас 1-й

Песнь 1

Ирмос: Пои́м, вси лю́дие, от го́рькия рабо́ты фарао́ни Изра́иля Извэдшему и во глубинé морсте́й нога́ми немóкрыми Настáвльшему песнь побéдную, я́ко прослáвился.

Припев: Преподóбне о́тче наш Макси́ме, моли́ Бо́га о нас.

Воспе́ти кий язы́к возмо́жет по досто́янию тво́я, предивный о́тче, ве́лия исправле́ния, вы́сокое учи́тельство, в темни́це и во у́зах му́ченическое страда́ние и долготерпе́ние?

Преподóбне о́тче наш Макси́ме, моли́ Бо́га о нас.

Ка́ко воспо́ем и что ты нарече́м, предобли́й о́тче? Проро́ка ли, я́ко провещá неудобь разумева́емая и ве́домая нам, апо́стола ли, я́ко зы́блемую противны́ми нам ве́тры утверди́ христиáнскую ве́ру Божéственных писáний учéнии, учи́теля ли, но вои́стинну ничи́м же ху́ждши и ни́жши еси́ вели́ких о́нех вселéнских учи́тель.

Слава: Воспе́ти Свята́го и покланя́емаго Паракли́та в темни́це

извещѣние от Ангела приим, сотворил еси канон Святому Духу, Имже еще в воли просвещен, священныя и Богодухновенныя книги составил еси.

И ныне: Поим, вси людие, святую и славу Пречистыя и Всепетыя Божия Матере, вышшую Небес и всех умных Сил, поносившую в пречистой Своей утробе Еммануила, яко свята и преславна есть.

Песнь 3

Ирмос: Утверди мене, Христѣ, на недвижимом камени заповедей Твоих и просвети мя светом лица Твоего: несть бо свят, паче Тебе, Человеколюбче.

Преподобне отче наш Максиме, моли Бога о нас.

Утвердил еси, преподобне Максиме, в сердце своем Божественный страх, вся похоти плотская возненавидев, сего ради умудрился еси, якоже прост младенец, и вслед Господеву востекл еси.

Преподобне отче наш Максиме, моли Бога о нас.

Утверждением имея распеншагося Господа Иисуса Христа, странен, незнаем, бездомен, безотечествен, безыменен, бессмыслен был еси, преподобне Максиме, пред своими сродники, знаемыми и други.

Слава: Утверждался на заповедех Господних, от горести темничныя был еси на мног час, яко мертв, но деял еси о злонравных молитву, сиче глаголя: Господи, Иисусе Христѣ, Сыне Бога Живаго, не постави им греха сего, клеветующих на мя неправду.

И ныне: Утверди нас к хвалению Твоему, Дево, и сохрани без вреда от всякия козни лукаваго, и сподоби стояния одесную Единороднаго Сына Твоего, Емуже подобает всякая слава, честь и поклонение во веки веков.

Господи, помилуй (*трижды*).

Седален, глас 4-й

Ум украсив поучении Богодохновенных Писаний, трезвенною молитвою и бдении Богоугодными, утвердил еси сердце свое в

Господе исполнением заповедей спасительных Его, сего ради прославляют тя выну Росийстии людие и Афон, и обитель Ватопедская вкупе с нами вопиет: Максиме премудре, не остави нас, молящихся тебе.

Слава и ныне: Молю Тя, Пречистая Мати Бога Вышняго, единого души моея утешение, упование, сладосте, Божественный покрове, свете, заступление и спасение! Сподоби мя Твоими молитвами услышати глас благословенных призывающий внутрь чертога Владыки.

Песнь 4

Ирмос: Велія тайна Твоего, Христэ, смотрения: сию бо свыше провидя Богозрительно, Аввакум, нашёл еси, вопиюще Тебе, во спасение людей Твоих, Человеколюбче.

Преподобне отче наш Максиме, моли Бога о нас.

От тайных еретических лжеучений ничтоже утайся от тебе, преподобне Максиме, но благодатию Святаго и поклоняемаго Духа вся тебе откровенна суть.

Преподобне отче наш Максиме, моли Бога о нас.

Таинственных догматов Православныя веры не точию поборника истинна и верна себе показав, но и паче преображения секира на вся, яже под небесем, ереси явился еси.

Слава: Яко таин Святаго Духа строитель и Небеснаго жительства рачитель, и закона Господня учитель воистинну показався еси, премудре Максиме.

И ныне: Велю таинству Моисей Боговидец научен, зря Купину Неопалиму: купина – немощь человеческого естества, огонь же – Божество Единороднаго Сына Вышняго, ибо Бог наш – огонь есть, поядая грехи наша, якоже Божественный Апостол рече.

Песнь 5

Ирмос: От нощи утренююще, поем Тя, Христэ, Отцу Собезначальна и Спаса душ наших, мир миру подаждь, Человеколюбче.

Преподобне отче наш Максиме, моли Бога о нас.

Нощию луна, днем солнце просвещают и веселят тварь всю

видимую, житиё же и премудрость святых просвещают и веселят души всех человеков, хотящих спастися и в разум истины приити. Сие и писания преподобнаго Максима Грека, яко богодуховенныя труды, велегласно вопиют.

Преподобне отче наш Максиме, моли Бога о нас.

В нощи молящуся тебе в темнице, Богоначальныя и Преплагия Троицы Промыслом внем Ангел Господень и рече: о старче! Сими муками избудеши вечных мук.

Слава: В нощи, яко сладкогласный и добродетельный славий, воспел еси, премудре Максиме: не тужи, не скорби, ниже тоскуй о нихже, – любезна ми душе, – страждеши без правды, твоя бо мзда велия на Небесех.

И ныне: От нощи утренююще, поем Тя, Дево, Дщерь Цареву, рясны златыми одеяну и преиспещрену, лествицу, юже Иаков виде, гору, юже благоволи Бог жити в ней, ибо Господь вселится до конца.

Песнь 6

Ирмос: Пророка спасл еси от кита, Человеколюбче, и мене из глубины прегрешений возведи, молюся.

Преподобне отче наш Максиме, моли Бога о нас.

Пророчески, преподобне Максиме, люди обличал еси, к покаянию приводя: заблудихом, заблудихом от правого и незаблуднаго жительства преподобных иноков и без ума течем к почете вышняго звания.

Преподобне отче наш Максиме, моли Бога о нас.

Пророк покаяния явился еси, преподобне Максиме, души трезвение снабдевая Божественными словесы и из рова страстей возводя омраченных грехми.

Слава: Пророческия писания, в тайне глаголанная, явны соделал еси, премудре Максиме, сего ради послушают тя обильно вси людие.

И ныне: Пророки Тя провозвестиша, Дево Чистая, Апостоли проповедаша, святии вси ублажиша, мы же со Архангелом вопием: радуйся, Благодатная, Господь с Тобою.

Господи, помилуй (*трижды*). Слава, и ныне:

Кондак, глас 8-й

Богодуховенным Писанием и Богословия проповеданием неверствующих суемудрие обличил еси, всебогате, паче же, в Православии исправляя, на стезю истинного познания наставил еси, якоже свирель Богогласная, услаждая слышащих разумы, непрестанно веселиши, Максиме досточудне, сего ради молим Тя: моли Христа Бога грехов оставление низпослати верою поющим всесвятое твое усение, Максиме, отче наш.

Икос

Како воспоём величайшему тезоименитаго, Максима предоблаго? преподобных красна венца, страдальцев твердаго правила, еретиков неложного посрамления, Церкви столпа непоколебимаго, девственник известнаго наставника и супружества честнаго заступника, философов премудраго мудреца, истины источника приснотекущаго, инок похвалу и всех людей воистинну украшение, сего ради молим тя, досточудне Максиме: моли Христа Бога грехов оставление низпослати верою поющим всесвятое твое усение, Максиме, отче наш.

Песнь 7

Ирмос: Образу служити мусикийскому согласию созывающе люди, от песней сионских поюще отечески, отроцы Давидовы мучителево разорisha злочестивое веление и пламень в росу преложisha, песнь воспевающе: превозносимый отец и наш Боже, благословен еси.

Преподобне отче наш Максиме, моли Бога о нас.

Образу промысления Пресвятыя Троицы песнь благодарственну воздав, преподобне Максиме, вся ны призвал еси благословити неблаженно Отца, и Сына, и Святаго Духа, Единого Бога в Трех Ипостасех.

Преподобне отче наш Максиме, моли Бога о нас.

Образ злострадания, терпения и молитвы показался еси, святе Максиме, паче же и упования, яко Бог Судия праведен, и

крѣпок, и долготерпеливъ есть, и Той воздастъ коемуждо по делѣмъ его.

Слава: Образъ превѣспренняго Богословія стяжалъ еси, премудре Максиме, сій есть догматы Божественныхъ апостолъ и отецъ, отъ Святаго Паракліта излиянныя, ѿмже и насъ научаеши Богомудрыми своими писаніи.

И ныне: Образъ пречистаго Твоего Рождества, Дѣво Мати, неизречененъ и неведомъ есть, Ты бо вселение превѣчнаго Единороднаго Сына Отца была еси, не опалившись отъ Него.

Песнь 8

Ирмос: В пламене огненне горящія пещи сохраншаго дѣти и во зраце Ангела снишедшаго къ нимъ, пойте Господа и превозносите Его во вѣки.

Преподобне отче нашъ Максиме, моли Бога о насъ.

Пламене Божественнаго Параклітова облистания возжелѣвъ, преподобне Максиме, сего ради и сладчайшимъ свѣтомъ учения и чудесъ огнемъ отгналъ еси всякій мракъ бесовскій.

Преподобне отче нашъ Максиме, моли Бога о насъ.

Пламене геенскаго бѣгати люди научилъ еси, преподобне Максиме, сихъ призывая деломъ совершати заповѣди Христовы и отступить злѣбы, блуда, лжи, гордости, лести и хищения неправеднаго чужихъ имений.

Слава: Пламенно нечестіе еретическое попалилъ еси, премудре Максиме, веры же христіанскія непорочныя Божественное исповѣданіе изъяснивъ.

И ныне: В пламени огненне горящія Купины виде Тя Моисей Боговидецъ, провозвестивъ безсеменное Рождество Твое, Дѣво Пречистая, сего ради и насъ плотскихъ страстей свободи.

Песнь 9

Ирмос: Тебѣ, свѣтлую свещу и Матерь Божию, пречудную славу и вышшую всехъ тварей, пѣснями величаемъ.

Преподобне отче нашъ Максиме, моли Бога о насъ.

Тебѣ, свѣтлую свещу, и умъ крайнейшій, и столпъ непоколебимъ вѣмы, паче же наставника монаховъ и ересей наказателя проповѣдуемъ.

Преподобне отче наш Максиме, моли Бога о нас.

Светло от полуденных стран возсиял еси, преподобне Максиме, светло житие показав, мрак лукавствия прогоняя и благоприятною молитвою просияв.

Слава: Свеща Божественнаго разума быв, достигл еси в познание Сына Божия, в мужа совершенна, в меру возраста Христова, сего ради и мы вопием ти: блажен ты еси воистинну по всему, и подвиги, и славою, и благодатию, яже еси свыше получил.

И ныне: Тебе, и светлую свещу в нощи страстей, и покров благостыни, и стену небориму от навет вражиих, песнями велегласно величаем.